

Broj: 06-20/22-661 /20 I.M.
Sarajevo, 11.05.2020.godine

Na osnovu Odluke o usvajanju Programa utroška sredstava sa kriterijima raspodjele sredstava "Subvencije privatnim poduzećima i poduzetnicima-poticaji za veterinarstvo" utvrđenog Budžetom Federacije Bosne i Hercegovine za 2020. godinu V.broj 466/2020, od 26.03.2020.godine i Programa utroška sredstava sa kriterijima raspodjele sredstava "Subvencije privatnim poduzećima i poduzetnicima-poticaji za veterinarstvo" utvrđenog proračunom Federacije Bosne i Hercegovine za 2020. godinu ("Službene novine Federacije BiH", broj 22/20), Federalno ministarstvo poljoprivrede, vodoprivrede i šumarstva d o n o s i

PLAN SLUŽBENOG UZORKOVANJA

Plan službenog uzorkovanja namirnica životinjskog porijekla za 2020. godinu (u daljnjem tekstu: Plan) provodi se u svrhu osiguranja zaštite zdravlja potrošača i provjere mikrobiološke ispravnosti hrane životinjskog porijekla porijeklom iz odobrenih objekata upisanih u Jedinstveni registar odobrenih i registrovanih objekata u Federaciji Bosne i Hercegovine. Cilj ovog dokumenta je da se utvrdi da li su postignuti ciljevi planova samokontrole uspostavljenih od strane subjekata u poslovanju s hranom u odnosu na obavezne mikrobiološke kriterije za hranu (prema grupama djelatnosti).

Uzorci za realizaciju ovog Plana se uzimaju u svim fazama proizvodnje namirnica životinjskog porijekla i s površina u proizvodnim prostorima i opreme koja se koristi u proizvodnji kako bi se provjerilo ispunjavanje kriterija u pogledu higijene procesa proizvodnje i kriterija u pogledu sigurnosti hrane životinjskog porijekla.

Službeno uzorkovanje, prema ovom Planu, iz Tabele broj 2.(PLAN SLUŽBENOG UZORKOVANJA NAMIRNICA ŽIVOTINJSKOG PORIJEKLA ZA 2020. GODINU U FEDERACIJI BOSNE I HERCEGOVINE) vrše kantonalni veterinarski inspektori BEZ PREDHODNE NAJAVE ZA UZORKOVANJE, a laboratorijska ispitivanja ovlaštene veterinarske laboratorije javnih ustanova.

Potreban pribor za uzimanje i prijevoz uzoraka obezbijeduje laboratorija.

Kantonalni veterinarski inspektori na svom epizootiološkom području dogovaraju sa određenim laboratorijama vrijeme i mjesto preuzimanja uzoraka radi transporta do svog laboratorija.

U slučaju dobivanja neusklađenih rezultata, veterinarski inspektori će provesti inspekcijski nadzor u objektu u kojem je neusklađenost utvrđena, a ukoliko se pri tom utvrdi da je potrebno izvršiti dodatna ispitivanja ista će se obaviti na trošak subjekata u poslovanju sa hranom.

Za provođenje ovog Plana, sa podacima o vrsti i broju uzoraka, donijet će se Uputstvo koje će se dostaviti kantonalnim veterinarskim inspekcijama i laboratorijama. Uzorkovanje i laboratorijska ispitivanja predviđena ovim planom potrebno je provesti u periodu od 25.maja do 30.oktobra 2020.godine.

U tački C) Programa utroška sredstava sa kriterijima raspodjele sredstava "Subvencije privatnim poduzećima i poduzetnicima-poticaji za veterinarstvo" utvrđenih Budžetom Federacije Bosne i Hercegovine za 2020. godinu planirana su sredstva za Praćenje zdravstvene ispravnosti hrane životinjskog porijekla u odobrenim i registrovanim objektima u iznosu od 56.000,00 KM, koja će biti utrošena za laboratorijska ispitivanja i transport uzoraka od sjedišta kantonalne veterinarske inspekcije do laboratorije u objektima koji obavljaju djelatnosti iz Tabele broj 1. koja je sastavni dio ovog Plana.

Laboratorije dostavljaju izvještaje za svaku provedenu analizu veterinarskom inspektoru koji je izvršio uzorkovanje, a u pdf. formatu (skenirani) izvještaj Federalnom ministarstvu poljoprivrede, vodoprivrede i šumarstva elektronskim putem na e-mail: indira.mulalic@fmpvs.gov.ba. Konačni izvještaj o provedenim laboratorijskim analizama i transportu uzoraka, sa računom o izvršenim poslovima laboratorije dostavljaju ovom ministarstvu najkasnije do 15. novembra 2020. godine.

Kantonalna veterinarska inspekcija dostavlja zbirni izvještaj o izvršenim uzorkovanjima sa kratkim prikazom o rezultatima provedenog monitoringa po ovom Planu na području kantona (analiza trenda), a za svako uzorkovanje dostavlja:

- zapisnik o uzorkovanju, popratni akt za slanje na analizu i jedan primjerak pojedinačnog laboratorijskog izvještaja za svaku provedenu analizu.

Dobiveni rezultati pretrage uzoraka po ovom Planu uzet će se u obzir pri izradi Plana uzorkovanja hrane životinjskog porijekla za narednu godinu.



Prilog: 1. Tabela : Popis djelatnosti
2. Plan uzorkovanja za 2020. godinu

DOSTAVLJENO:

1. Sektor za veterinarstvo
2. Sektor za financije i računovodstvo
3. Kabinet
4. Arhivi

Obrađivač akta : Indira Mulalić, dipl. vet.